

陸子遺書

詩集



第六冊

陸桴亭先生詩序

吾郡之友與予稱性命交者多不過數人其人皆聖賢豪傑之徒而其感時不遇發爲詞章又皆卓然有以自命予生平喜道人之善凡詩文之有一言合於道者不靳爲之序以傳其人而獨於此數人者則皆未及爲以不敢苟而爲也日者衰老而多病廩廩有溝壑之憂於是乎將次第及之而首序桴亭之詩蓋予與桴亭生同里長同學而交又最早自束髮時吾兩人者見天下多故人才寥落卽有高視闊步之意必欲爲當世一二人而後已而桴亭天資英邁凡五

詩集陳序

一

經六藝諸子百家之書以至於三才萬物變化之情形莫不究悉其精微而貫通其指要其於經世之務匡時之略則原本王道斟酌古今而著爲成書確然可見之施行人見其應於外者不窮不知其足乎內者非涉獵之才記問之學所得而望其涯涘也其爲詩也少時卽有會於風騷比興之指而古風則取材於漢魏近體則得法於李唐及乎弱冠以後潛心明體適用之學詩歌小道非其大志所存然閒一有作則能抒寫其中之獨得而爲尋常思慮之所不及古今之論詩者亦多矣其最有得者莫如司空表聖嘗

自擇其詩而論之曰飲食之味必資鹽梅而其美則在鹹酸之外今其詩具在誠如其云顧其所論者詩焉而已而未嘗關於性情學問之微天下國家之大也表聖蓋唐末之有道君子要其所見止於如此不可以例其餘乎然則使桴亭與古今人角立於詞壇之上出其偏師賈其餘勇卽足以摧鋒陷敵制勝千里譬猶齊晉之君主盟中夏雖強如秦楚且不敢與之匹敵而况於曹滕邾莒乎學者卽其詩而求之庶幾乎得其詩之本焉而如以詩人目之未爲知桴亭者也予於桴亭思辨錄序旣詳言其人之本末矣今

詩集陳序

二

復序其詩以傳之夫桴亭之人可自傳其詩桴亭之詩可自傳其人蓋不待予言而後傳而復序之如此者亦以曉世俗之目論者也同學弟陳瑚言夏氏序

陸桴亭先生詩序

陸子桴亭豈必以詩見哉其於天人之學罔不該貫蓋直源洙泗而流濂洛詩特其緒耳憶昔與陸子交各年少諸同人皆工舉子業而陸子獨淵然浩然有羅絡古今囊括天地之意時同人以爲迂而無當陸子弗顧也其言曰古者之教人也教之以聖賢而已未嘗教之射功名梯富貴也苟能聖賢其身則功名富貴因之而不愧否者困苦寥落我無憾焉還我素焉則已矣諸同人又復迂之逮二十年來時變代更而諸同人之頭顱卒如故夷考陸子之胷則淵然浩然莫可涯量而同人中有一二激昂之士乃始棄前業而放情於歌哭之間以稍抒其憤懣不平之氣然而徒得陸子之緒矣昔我嘗與陸子論文陸子不大喜今我嘗與陸子論詩陸子不大拒謂我於論詩之道頗不謬古人故嘗出己詩以證我我則不敢輕置可否也蓋瀾生於海滔漭萬狀而終莫測其所來陸子之學海猶是也分其一波一勺而皆有全海之味我安得而測哉不求工而自無不工不必拙而亦無妨於拙總之不在篇章字句間可以畢其性情之所至也故曰盤盂之水鼠尾一曳而人欲嘔江河之水

漂屍浮面而人飲之者量小與量大之別也又況陸
子之詩美不勝揚而疵無可摘歟少陵曰王楊盧駱
當時體不廢江河萬古流蓋當時有輕薄四家者故
當時特表而拯之要之四家之詩本於才不本於學
是以專攻之家或得而議之曾陸子而可議歟執詩
以求陸子而陸子存焉必執詩以求陸子而陸子不
存焉然則陸子安存乎亦存乎淵然浩然之際而已
矣是爲序同學弟周西臣俶文氏題

桴亭先生詩集卷一

桴亭先生
遺書之

太倉陸世儀道威著

壬戌至甲申

題百鳥朝鳳圖

十二歲作

壬戌

獨向高岡擇木棲更無鷓鴣與相齊一聲叫徹虞廷
日四海鳴鴟不敢啼

東海館中作

甲子

獨攜竹瓦對斜曛捉筆思拈海外文欲覓奇峰無處
得去看天際晚來雲

華燈詞

乙丑

詩集卷一

一

太乙發奇焰飛來燦華屋主人善相寶籠以金珠斛
輝德揚古今清光耀幽獨

同友人夜坐

懷人坐良月清輝漾空蒼相思有吉士命駕來予旁
傾樽發榮詞詞旨和以康深情映古今浩氣成文章
男兒重道義擇交審其臧管鮑自慷慨嵇呂徒猖狂
所貴在心知不在肝與腸肝腸豈不烈意氣難久長

竹菴吟三首

丙寅

竹菴大如拳每嫌人世小亦是同塵居人世殊杳杳
門內琴書陳門外車馬列車馬原非殊今人自相別

讀書拙逢時雅志託好古聖世無留良氣力須自努
雪朝放歌

千林瑟瑟枯條鳴寒風夜半飄瓊糝主人披衣對窗
立拍手一笑天初明門前青山十萬尺皓氣直落空
齋白虛寒散入城市中獨向貧家肆狼籍我心當之
恆殷然興詞酌酒酌階前欲有所祈冀神聽請爲爾
神歌短篇我不願美酒名姬坐華帳從來富貴生姪
妄亦不願揮毫作賦臨高臺詞臣筆墨徒誇才但願
山頭片片玉飛來粒粒成嘉穀大儲如陵小如阿白
頭鼓腹容顏酡舞雩嗟飢已矣寒奈何更願阿滕聽

詩集卷一

二

我歌既能飛作絮何不輕爲紉咸使宇宙休天和不
機不廩恣婆娑四時皞皞春風多共慶天子恩如波

空潭三章章四句 庚午

空潭志潔也時賢以黨附相援託之以見志
焉

空潭漉漉水深魚伏維綸則直維鉤則曲

空潭漪漪水深魚肥苟直是慕曲或致之

空潭滴滴水深魚逝曲不可致直亦難繫

春郊詞 辛未

翩翩遊冶郎桃花豔春陽春一本風一何妒吹損羅

衣裳

姑蘇臺懷古

胥門江水遶城回，歷歷征帆映古臺。
可惜當時歌舞地，止堪高望越兵來。

夜泊

晚宿平江下，秋容滿客衫。
清風吹片月，孤嶼落雙帆。
水闊微燈火，霜多老柏杉。
夜深鐘磬發，隱隱逗高巖。

湖中秋望

秋白浮天醉老楓，波心落日晚來紅。
江村煙起無重數，知道前山更幾峰。

詩集卷一

梳頭吟

舉頭理青絲，低頭深所思。
不願青絲常如此，但願白頭對君子。

結交行

古人云結客會須多黃金，政使黃金多增茲反覆心。

山中曉行

春陰白雲滑曉露，松花香飛流濺不盡石氣生清涼。

里中有嬌女

里中有嬌女，十五從兒夫。
恩情如環結，兩心不相渝。
丈夫好狹遊，愛寵新姬多。
故人惟布素，新姬饒綺羅。

布素雖可念綺羅亦可懷去就不能決中心兩徘徊
故人語兒夫君恩莫相疏日久知人心識性可同居
新人顏色嬌護持勞君心不如故人好冷暖相憐親

秋夜詞

良月滿高臺鳴琴發情悽月華墮清寒散作琴上露
何當成淚珠彈向天涯暮鳳凰自相求莫在臨邛住

秋夜登山閣

高閣橫秋迥遙臨值夜闌月明千壑靜木落萬峰寒
遠寺動鳴磬空山聞瀉湍獨來無限思飄渺一凭欄

久雨

詩集卷一

四

江南土地饒纍纍皆桑田下水人種稻上水人種棉
樹藝雖不同所望惟蒼天蒼天何不弔一雨三旬連
雷電相掣擊晦冥眩山川波聲接湖海陸道通行船
村里亡雞豚屋梁環蜻蜓兒女畏飄溺朝上桑樹巔
老壯利魚蝦舉網當場前一望渺阡陌接余生連卷
豈能不衣粟卒此凶荒年吾聞京師城合水三黃錢
京師黃錢每六文準銀一分天子親行雩百川竭流泉胡不移餘
滴聊爲潤塵煙昔湯禱桑林甘霖沛人閒天王今聖
明宰臣復良賢豈爲陽之亢杲日威炎炎豈爲陰之
疑淫潦積川原天心必有責誰實當其愆匹夫動天

地聖神豈無權願言獻當亡努力德政宣

山居

深山無六月古木恆蕭蕭白日蔭不下落陰成逍遙

古別離

握手臨中歧問郎今何適去去問天涯天涯不可極
白日頽人顏嚴風厲人色豈不云懷歸歸兮恐無及
妾心匪石堅君遙那能識願爲畹中蘭佩君表貞德
願爲架上鞭從君促歸勒久別庸敢傷壯年難再得

夜泊鹿城

渡頭新一作星月暗離思滿歸一作孤舟此夜聞風雨山

詩集卷一

五

城一片秋

江上有懷

秋色在高樹風雲動地起獨坐臨江干懷思不能已

山行卽事

晴巒四湧碧崔巍翠色遙從天外開怪得巫山深秀
滅奇峰一半盡飛來

夜過虎邱

夜來明月入空山中有幽禪獨閉關印得老僧心外
法生公臺上月光閒

姑蘇竹枝詞

姑蘇臺上枸杞垂姑蘇城頭多柘枝吳王宮館昔何處至今遊人說西施

長門怨 癸酉

自入長門裏君恩日日虛生憎詞賦賤終不買相如塞下曲競病韻同昭芑周臣端士口占

結髮事戎行數與匈奴競壯士圖報恩瘡痍何足病

贈石敬巖將軍

敬巖劍稍爲天下第一子從之受學惜未盡其術

將軍結髮已從戎四十餘年立戰功十月冰霜孤塞外九秋風雨百蠻中但期戮力同劉杜

劉挺杜松公會與同事

豈料終身類李馮執政無人君莫恨江湖知己尙難

逢

詩集卷一

六

觀敬巖舞雙鉤

石氏雙鉤天下無壯游燕趙暮游吳英雄已老少年出若箇相逢是丈夫

明妃怨

漠漠胡塵塞草連漢家宮闕迴於天長門閉盡君王寵猶勝單于擁醉眠

漢苑離宮百一重羊車日日逐東風如何好色真天子不信雙眸信畫工

遠嫁單于青海濱美人天上落胡塵春歸龍塞何須

惜愧殺當時宮裏人

獨坐穹廬風雪深琵琶調盡不成音悽悽別是關山
調無復當時宮裏心

昨夜營中虜騎馳平明同祭拂雲祠琵琶撥酒頻相
勸贖得蛾眉未可知

詔使來圖內苑嬪黃金百萬一時陳宮中今日誰承
寵應是金多第一人

單于獵罷挾弓回寶劍光搖暝色閒乞與還將漢宮
去明朝斬取畫工來

白登山下暮場塵冒頓曾圍漢聖人最恨當時美人

策至今遺患在和親

讀郎元翊詩文雜稿賦贈

雅道久淪喪風流復見茲閉門甘著作懸榻待交知
醉後周郎曲閒中李賀詩遠公今結社吾意欲相期

南渡觀桃 甲戌

萬樹桃花夾水濱遊車日日動芳塵天涯是處皆兵
甲隄上何人解問津

閨怨和陳言夏

夫婿天山未挂弓臨妝少婦歎飛蓬深閨顏色尙如
此愁殺沙場風雪中

贈吳一韓舞刀長歌

堂堂復堂堂君不聞范侯百萬胸中藏咄咄復咄咄
君不聞霸王拔山暗鳴發英雄天授非人力烏能一
身有兼得我友吳子生超俗腹笥五經猶不足牀頭
舊有烏孫刀月明霜白時嘯號秋冬之間讀書暇爲
我起舞當亭皋西風何烈烈黃塵一作埃撲人咽按刀

側立呼一聲眼前萬物俱蠓蟻來如黃河東南傾止
如華岳空中橫豐隆飛天擲雷電馮夷踏海鞭鼇鯨
嗟乎吾子一介之書生胡爲詩書不專務思軼賁育
高成荆聖朝宰相不重武此道今人棄如土高官大

詩集卷一

八

吏滿京都不較金錢便書簿君兮曷不歸來休飲酒
食肉可以致富貴富貴何嘗論才猷吳子長歎息擲
卻昆吾鉤男兒自有志豈羨封公侯不見去年燕山
北口塵動地嗟無策只今小醜羣陸梁朝廷顧視相
倉皇分體本作黃天子撫髀思將帥黃金臺成士不至豈
因馬骨尙未收抑亦冀北無龍儔吾儕每念髮上指
世乏同心誰見齒壯氣激發悲填膺重脫青衫奮舞
起君莫恥希文自任何如人壯夫運箕豈徒爾

仲夏讌集王太常東園

樂郊昔日舊遊地此來又見經營初小山纔築已餘

勢新沼乍成方始波歷落沙隄種榆柳參差軒閣開
巖阿我心正爾抱抑鬱欲坐此閒長嘯歌

季夏復集東園

六月避蒸暑載遊東岡陂賓客曳華裾蒼童攜酒卮
入門縱觀眺高山正透迤華軒枕虛壑危樓臨大池
綠葉翳繁林朱華被清漪已登崇邱嶺復涉淺水湄
埽花菴看奇石翦鏡亭觀流澌逍遙長隄上散步魚
梁基疏桐夾榆柳竹石鬱參差放舟理輕楫悠然適
所宜曲澗多迴湍長杉障炎曦涼風一披拂逸若清
秋時樂事貴羣賞勝情欣獨知神仙不可接當與古

詩集卷一

九

人期

南園夜集

置酒臨軒幕四垂坐深絲竹動清悲只今小苑聞歌
夜正是高堂浩歎時

感懷詩十六首

家世事情謹服德敦詩書受命違貨殖安仁賤懷居
十年一斷屐三歲雙枯魚何期親老疾笥囊無夙儲
借貸稱奇策典易盡衣裯疏水雖已供親心安得舒
古人有祿仕非此復焉如

捧檄出門去淚下不能言長揖謝書劍抗顏事寒暄

昔爲天上鶴今爲檻中猿語默判勤惰動止殊方圓
骨肉相隔絕不知涼與溫門前誰家子意氣獨軒軒
父母樂康樂讀書浹晨昏

鳴鶴在北林其子東南翔脚魚欲反餉攫繳墜高岡
束其凌霄姿鍛其羽翮長載以文軒車酌以清露漿
飲啄非不時恆心獨悲傷中夜嗷嗷鳴星月爲傍徨
矯首北林望黃葉方零霜

北門有高墳檜柏鬱多姿凡我陸氏宗十世成於斯
子孫何不肖捐埋甚狐狸絕則不爲親人人得誅之
奈何奉湯藥不能事兩歧逸賊昔有道修墓古所悲

詩集卷一

十

封殖雖云畢誰爲整倫彝

大塊稟萬物類聚各有班胡爲一圭土生此艾分體
芬舊註草能傷人與蘭艾草日夕滋蘭草爲糾蟠豈無芬芳

姿不能勝冥頑豈無刀鎌利同根畏相殘睇彼松與
柏鬱鬱浮雲端荆榛蒺藜枝紛然莫能蔓

授書里門中五日一回還父母喜相見動輒如經年
寧帷瞻顏色欲言無可宣遙思生恐懼覲面生憂煎
小愈未足欣久滯何時痊緬懷古扁盧疾首呼蒼天
古人卽今人何獨多神仙

吾聞三神山乃在海中央上有神仙居長年多悅康

我欲從之遊乞取藥一箱歸來奉堂上延壽千萬霜
側身東顧瞻洪波浩難量秦皇與漢武畢力不得望
何況微軀子引領徒涕涕

仲夏炎節至溽暑一何滋斗室如裋褌作息咸在斯

赤日麗高隅潦雨漫屢屢陰房蒸霧腐一作溼蚊蚋日

夕孽終坐尙不堪况復臥牀帷颼颼晨風發拂拂夕

風吹豈無戶外樂畏彼蒼蠅噬

登山孰最險孟門與太行處世孰最難要津與名場

羶集衆所附利在國乃狂是以古賢人千乘如秕稊

紛紛壟斷子胡爲日皇皇蜚蛄轉糞丸鳳凰慕高岡

詩集卷一

十二

志尙各有適誰復辨穢芳

中秋好明月况乃兩中秋前夕北城濠今夕南樓頭

清光何皎皎高風更颼颼明星四五六白露空中流

對此良夜景鮮不歡遨遊顧我獨坎壈瑩然懷百憂

四望起長歎腸中亂絲抽

朝從北郭行道逢鱣與鯁持買鱣與鯁歸來自烹煎

纖鱗何簇簇鰭骨何復一作連卷念此滋味薄愧彼西

河賢東市饒米穀南城盛魚鮮振衣出門去素上無

餘錢顧此長歎息倚徙不能前

矯矯松柏樹託根沃土旁下有桃李花雜沓並成行

陰岡多百草招一作根搖謂我芳移之種寒谷傲然甘
雪霜始知沃土肥不滋松柏香望箕不思簞仰斗不
求漿名實自難掩眾口亦何傷

飄風何發發吹我竈下薪竈下薪尙可釜中有揚塵
卑室積寒氣白日爲逡巡嗟我黃髮老終歲遭躋連
東家樂雞黍西家會賓鄰何彼同室子操戈日相噴
棄置勿復道萬石重親親

寒風入高樓簌簌鳴窗隙百憂如重山壓我來胸膈
對書徒散亂自起理衾席伏枕未逾時憂來愈益積
披衣復匡坐展轉不能釋童子據榻鼯鼠擯東壁

詩集卷一

十一

戚戚竟何言殷殷自終夕

歡樂不復覺憂至始難裁嗟予一歲中寸心生草萊
臨文徒惘惘展卷益回回益一作復當風增浩歎聆音動

清哀道逢親知交謂我何虺隤誰浪顧我笑期我共
諧談豈不樂相答中懷不能開

有客遲我飲謂我何爲憂我非褊心子豈樂恆怨尤
貧者士之常懷居聖所羞眾口詎足較窮達非人謀
獨有父母疾諒難任優游處厦忘陰雨乘舟昧深流
盛年託蔭下那復知窮愁

訪俠者不遇

狹巷訪要離人逢問阿誰英名天下識里閭不相知
歸舊窗兼懷友人

我來舊窗下不掃已經年雄劍鶻落陳書脈望穿
壯心驚日月良友滯山川卒歲徒虛擲分陰愧昔賢

輓石敬嚴將軍

時敬嚴年七十餘官軍征中原
流寇聘致軍中軍潰敬嚴歿於

陣

白水黃沙戰骨紛天陰燐火自成羣可憐無數一作限

沙場鬼頭白如霜獨見君

中原豺豕叩雄關老將長征竟不還落日西風淮水

急忠魂何處逐刀環

詩集卷一

十三

冬曉

五平詩

離離霜花明層冰俄參差寒鴉啼何喧風吹枯楊枝

冬夜

五仄詩

獨夜擁膝坐夜靜益杳杳讀史不覺曙淡月落樹杪

五柳如村二堂遺址 乙亥

春風搖搖百草抽沙頭水合東西流古藤盤鬱石礎
缺巍然獨見雙高邱茫茫昔誰氏云是五柳如村二
堂之遺址抑誰居者胡正思仲連繼起稱父子嗟乎
先生於宋爲兩賢歸來築室東海邊風流彭澤洵可
接文章工部相比肩只今未及四百載華表空存鶴

何在牛羊朝夕登隴頭聖世徒聞禁樵採我心懷古
思悠悠獨呼濁酒澆松楸攬衣太息不忍去海上碧
雲生暮愁

冬夜大風

風吹天昏黃月出勢如湧翳翳浮雲馳煜煜明星動
冬日王子周臣鑿冰而嬉乃戲作古意效李長

吉體示周臣諸昆仲

一日二日風彭彭微霰密雪交迴縈窗櫺夜嘯如鬼
鳴樹頭樹底吹竽笙中庭地白何虛明碧玉一片淨
空清磨刀割玉懸前楹隋宮之屏開水晶扣以塵尾
玻璃聲老蚌映月珍珠生繡幄香消罷瑤席素盤拂
落輕無迹

詩集卷一

古

漢武帝射蛟江中歌蓋我完師命題課端士諸
昆仲也因命子作弗獲已乃效漢樂府體如
天馬赤蛟諸篇勉成之其合否未暇論也

惟漢昌德昭明王之遊協時巡驅風雷伐蛟子清江
淮繼神禹畜四靈功巍哉開明堂萬福來

詠竹 丁丑

吾聞竹有君子德心內虛兮節外直豈惟二者良足
稱歲寒更比青松質丹葩離離結朱實粒粒堪爲鳳

凰食鳳兮鳳兮胡不來使我不見心痛側

叢生竹

叢生竹何蕭疏新枝日以茂故枝日以枯去年雖枯
尙成竹今年不見徒歛歔

辛巳上元同鑑明王先生泛舟水鄉時海內多

故將爲避地計也舟中有感卽事 辛巳

爲訪南陽地來登西市船雪浮木分體本作林杪動風起

浪花顛海內方多事天涯自晏然不知村郭裏何處
可容塵

兩雪北風涼扁舟下水鄉王公眞惠我攜手共翱翔

詩集卷一

十五

退邈豈予意凶祥在彼蒼太平如可久予亦戀筐箱

同鑑翁歸舟已元夕矣城中燈火方盛予兩人

獨往獨來里無知者更賦七言一絕

城中簫鼓鬧如雷此日江頭帶雪回不道桃源問津
去卻疑剡曲放舟來

聞蝗食蘆葉有感

聞道飛蝗徧我吳嘉禾無恙食菰蘆三農父老休相
訝應念江南骨髓枯

邑侯希聲錢公治婁有惠政以遠年南糧被謫

將去官時江南大旱婁地尤岌岌一日不可

無錢公士民羣赴京口叩兩臺挽留之子與

聖傳虞九同舟途中有感雜詠十絕

子僑興謗在田疇司寇當年刺麝裘爲政從來難慮

始鄙人肉食豈能謀錢公大修荒政令州中畝出一升爲常平州中人創見疑駭特

甚

五年不識大夫面今日同攀刺史旌自是憂時公念

切肯隨流俗學逢迎

江南赤地已難耕此土宜堪螟螣爭寄語草根休食

盡幸留殘葉活蒼生出澣野關飛蝗載道草木葉皆如洗

澤國連年病旱荒關西無處不生蝗天心若肯憐賢

詩集卷一

十六

令莫遣東飛入太倉錢公見飛蝗呼天而歎曾有是言

百部翻車列水濱輻輳聲動浪如塵船頭簫鼓休相

笑隔岸秧苗愁殺人瀕婁江兩岸田乃最下地歲率開渠引水不煩車吸至是皆列

重車就河心引水魚貫而上稍居腹裏者支河水竭亦皆就江濱搬水灌田輻輳橫列至以百計歲旱民

勞莫此爲甚

江北黎民盡阻飢那堪此地亦如斯官街道殫時相

望退食何人自委蛇舟行自婁抵京口河濱死人壘不絕此百年以來所未見者

登鎮江北門餓卒橫道子亦親見一人仆死路

人皆不顧官府亦莫之卹江南之禍不遠矣

大江東下浪如雷南北分流一綫開聞道中原不堪說憑欄高望思無涯中原盜賊數年於茲邇年復大旱山東畿輔之地父子夫婦兄

弟相戕食人肉戴路慘莫之怪一統之世見此景
象此開闢以來所未有也登山涉水不勝浩歎

雲樹青青江外浮人言此地是揚州思君客路知何

處指點煙波一片愁

重遠弟客雜揚久
而不歸遠望賦此

天下斯稱第二泉無冬無夏水涓涓如何不向田間

去卻與閒人結俗緣

水泉不能濟旱
徒供煮茗故云

江流激激草離離六月秧苗種未移安得惠泉行處

是桔槔雖做尙堪支

唁錢靖侯將軍失職

靖侯後以
乙酉死難

世事年來眼倦看聞君此謫更無端朝登薦剡方推

轂夕見彈章已挂冠時局紛紜何足論英雄顛倒那

詩集卷一

七

能安不如且覓山中侶歸向磻溪理釣竿

哀黃雀

哀黃雀黃雀飛且鳴飛鳴一何急苦飢不得食荒田

草離離秕穀無糠粃汝不聞東家之子千金軀朝來

自分埋溝渠那有餘穀活汝爲

道旁有羣兒

壬午

道旁有羣兒啼聲一何悲問兒何爲啼寒凍飢無糜

阿婆厭糟糠阿母餒豆粃阿母持我來置此行路歧

路人不復惜早暮歸黃泥吾聞此兒言歎息還遲遲

我躬尙不閱安能惜羣兒勉強拂衣去涕下交雙頤

舟中同言夏聯句

客子戒長途同行各見呼

言夏

江橫衆木直月朗一

星孤

道威

宿鳥自來去浮雲空有無

言夏

時窮發浩

歎相對話乘桴

道威

望鍾山

鍾山東望翠如煙王氣依然似昔年回首中原一惆
悵干戈滿眼是誰愆

秦淮河

秦淮河水碧澄澄南北通流亙古今江左原非興一
爭王地祖龍空自費雄心

秦淮鼓吹

詩集卷一

六

妙舞清歌盡日忙畫船無處不紅妝江南江北愁如
許不道都人樂未央

闡中作

一萬英髦試棘闈人人意氣欲騫飛功名自爾丈夫
志富貴不淫誰與歸

龍江關風雨

亂雲飛繖過江皋頃刻波心噴雪濤楊子江船千萬
隻一時和雨下篷篙

泊燕子磯

長江日落浩無涯一抹煙中萬艇斜燕子磯頭秋夜
月六朝曾照舊繁華

賀陳其丹將軍平海

東海烽煙旦夕驚將軍神算厭欃槍千帆晝出魚龍
靜一騎宵馳虺蜴清捷奏廟廊稱偉績功成邊邑慶
銷兵處堂不識綢繆意漫道天涯自太平

苦寒行

東雲作寒威雪花一作飛大如黍相逢歧路閒風咽不
得語

龍舟謠

癸未

詩集卷一

九

五月鬪龍舟水嬉疾如虎士女笑相樂那知屈生苦
漢陽黃赤子北上公車過婁談道與予相得甚
權繼聞寇入襄漢復回省家書以贈別

君家漢上我吳中千里遙看姓未通十載著書悲和
寡一朝論學快心同方欣啟迪符傾蓋底事風塵駭
轉蓬握手河梁重惆悵天涯相望思無窮

贈別王端士

六月赴公車驅車汗如雨何不辭苦辛時艱不堪語
戎馬尙在郊盜賊徧三輔有君而無臣何以稱禦侮
家世受國恩簪纓累祖父功名安足論圖報心獨苦

行行經四方豈敢憚征暑揮手慷慨別赤日正當午
和聖傳湛一亭詩二律

疏林落落竹森森中有幽亭貯素琴憑檻小花供雜
綺隔溪高樹散輕陰縱觀萬物皆生意靜對淵泉識
道心一室自饒千古樂不知人世有升沈

湛一亭前竹樹森主人終日坐鳴琴清晨習靜貪朝
氣永夜焚膏惜寸陰水到渠成看道力崖枯木落見
天心此中旋轉須教猛不信神州竟陸沈

答贈崇川宋子猶二首

夙昔志取友於君實寔儔十年懷道誼一夕見純修

詩集卷一

三

子與子猶相遇闈中一見不忘今十年
矣子猶忽來相訪開心論道契若符節古行鄉閭式
高文國邑求時艱須絕學幸與共綢繆

大道自今古慚子無所知願茲方晦蝕敢不效驅馳

愧未加涵養豈堪著辨思時子猶讀子思
辨錄有贈故云□□□邃

學何以教危疑

桴亭先生詩集卷二

太倉陸世儀道威著

乙酉至丁亥

乙酉元旦後二日卽席賦贈王汝夏子時玉汝
仗劍從戎孤身北偵歸而爲同學諸兄道其
詳同學壯之飲之酒而送之行時玉汝又將
從史閣部於維揚也

君昔未束髮與我正同庚少年盛意氣抵掌談經綸
彎弓擊劍禦絕技妙入神二十好道術閉門各窮經
我宗朱晦菴君學王文成議論互往復得意時自矜

詩集卷二

一

無何世局變盜賊紛如蚊流毒徧楚豫蔓延及兩京
君忽奮衣起策馬驅風塵三秋入虎窟口口慘不驚
歸來見天子肘後懸黃金黃金一何尊壯士多苦辛
出門半載餘天下已四分帝后恥未雪驃姚安足論
所願抒奇策滅寇口口庭收京整鍾籩四海一廓清
功成不受賞長揖歸山林鷺湖舊經在與爾伸前盟
乙酉元夕婁城盛張燈火戶皆懸綵有感而賦
塞北旌旗亂江南采色多敷天猶有淚薄海但聞歌
遊女拖珠袂一作飛王孫曳玉珂太平誠足樂九世
奈仇何

澄江舟次次異公韻 異公一作德公

灣頭淺淺露平沙一曲清溪雜野花溪上青山山下
樹樹中茅屋是人家

虞山竹枝詞六首時舟行過虞山同異公登眺

見士女如雲戲爲竹枝小詞狀其狂惑聊資

採風一助

桃花如醉柳如顛十里橫山翠欲眠何處遊人喧一作
歡笑急長松影裏佛臺前

春風春日桃李濃遊女遊人西復東拂水巖前乍相
失半山寺下忽相逢

詩集卷二

二

郎乘驄馬妾乘輿寶相金錢貯後車入殿莫教相去
遠上香焚祝要通書

今年香信好天緣和暖偏一作頗宜衫子鮮微雨乍過

雲又散趁晴還早到山巔

百貨山棚事事都吹笙搖鼓雜花圖三年心願今春
滿買箇泥孩贈小姑

何處聲聲簫鼓催前村迎賽社神回大姑小婦爭相
喚倒曳紅裙急看來

答友人見招

北望中原恨未休南冠今日更蒙羞何堪更向新亭

飲盡日相看作楚囚

懷言夏

君阻湖村我阻城相看咫尺盡戈兵月明風靜秋天
暮兩地應聞浩歎聲

歸任陽村舍

築室爲謀亂翻從亂後來田心飛白浪屋角蔓青苔
鄰叟攀牆話村童擁樹猜相逢疑隔世欲別重徘徊
鑑明王先生來酌酒話亂

亂後知誰在今茲幸再逢先生驚髮禿小子愧頭童
變態鄉城異愁心彼此同別來無限淚都寄一樽中

詩集卷二

三

感遇詩

有序

乙酉之遇天下古今所未有也所遇爲古今
未有則所感亦爲古今未有何詩之足云然
以不生不死之人處倏安倏危之地欲歌不
能欲哭不可悲愁鬱憤發而爲詩固亦屈之
情陶之思也幸生之餘與王子石隱盛子聖
傳無聊唱和自秋徂冬凡得五言古詩三十
首彙爲一編名曰感遇誌所懷也昔陳子昂
爲感遇詩妙絕古今晦菴先生喜而特效之
予之詩與二公之詩其工力不敵固可知也

然晦翁之詩在並美前人固無感遇之可言
子昂之詩洵有感矣而考其所遇乃在高宗
武后之世以觀今日雖同爲感遇而所感所
遇實有大不同者是則可悲也夫

潛魚懷深淵飛鳥慕青冥志尚各有適羅弋紛四陳
神龍失雲霧螭伏同衆鱗哲士無勢位俯首齊凡民
仰歎發浩歌悲來痛填膺氣數苟在天匹夫豈能爭

時子避地水村
土人亂復入城

冒辱旣非易殺身良獨難高堂有白髮稚子未知餐
攬衣起歎息展轉不能寬思欲披緇衣寄迹空門端

詩集卷二

四

君臣義已廢棄親殊未安俛首混儕俗流涕傷心肝
仲雍避荆吳斷髮文其身殷箕遺昏亂伴狂受奴髡
少連柳下惠降辱稱逸民微服過宋都去衣入俚人
在昔大聖喆處困皆有倫區區卑賤子含垢安足嗔
伏讀明夷卦悠然感我心柔順以蒙難艱貞晦其明
卞和得良璞再別於楚廷別者成廢棄冒辱安惜身
此間有大寶勿得輕死生悠悠白馬客千載同斯情
青青原上芩發發水中魚芩生何閒閒魚遊亦嘻嘻
北風忽振厲海水羣驚飛狂飈折松楸黑浪翻鯨魚
天地方晦冥微生安所依

南國一佳人絕世而獨立傾城令人妬屏逐不遺力
豔去衆醜權妖嫫鬪顏色窮巷有幽姿聞之捧心泣

賢者見辱於時君子爲之痛心焉

時有令兄弟偶爾成析炊大盜一入室彼此生阻疑

兄或擊其弟弟亦奮刀錐兄弟本同生相疑徒爾爲

大盜當門前鼓掌方嘻嘻

時婁中鄉城相疑殺故云然

白日中天行皎皎未虞晷陰霧忽障之傾輪墮西北

素月出東嶺驅霧開昏塞方欣微光動誰念長夜極

復旦何時歌懷情久傷盡

亂而復亂波濤相推不知所終憂之而作是詩

蘭爲王者香無人生空阿孔子過見之援琴喟然歌

詩集卷二

五

榮落隨衆草不得比佳禾九州無定所逍遙將奈何

昔唐有天下安史亂宮闕倉皇走蜀道京師盡流血

太子起靈武□□□□黃埃數矢發狂賊颯然滅

羅錦贈花門須臾兩京帖時無郭子儀□□□□□

吁嗟郭令公今古何遼絕

躡馬恆破車惡婦恆破家冠幘事攻劫安能正奇裘

漢家四百載黨禍爲萌芽處士盛名節朝廷非所嘉

名節尚不可何況羣驕奢

睢陽四戰地孤立賊壘中屹然障江淮不與降醜同

荼紙鼠雀盡身死城亦空巡遠固足欽斯民實奇忠

河北廿四郡聞之宜愧衷

江南連城相抗然能死戰死守力盡不屈者惟江陰

一邑而已

世事方龍戰人情已雀躍車騎何紛紜屠門堪大嚼
區區陋巷子夔伏甘窮約未能行採芝聊復歸種藥
農圃安足辭簞瓢有真樂

南鄰有嫠婦顏色已枯槁白首兒夫捐驅車嫁燕趙
旁有處女子獨宿甘荼蓼苦節何敢貞傷心賦借老
小隱隱陵阿大隱隱朝市朝市我不能陵阿亦殊贅
卜居東南隅落落有爽氣左顧通人煙右覽接荷芰
平疇繁嘉蔬古塚出高樹雖非山林閒亦有泉石致

詩集卷二

六

一塵聊自息治亂委人世

丹穴有雛鳳乃在山之陰青鸞白鶴侶朝夕相和鳴
養此羽毛奇翩然備儀庭明王閣不作海宇羣沸驚
鸞鶴紛紛飛鳴鴉互縱橫孤鳳何所之斂革避逡巡
豈無德輝著時窮非炫珍靈龜曳其尾雄雞憚爲牲
祥麟出周季將貽田父禽

仲尼千載師偃蹇生衰周孟軻談王道七雄非其儔
濂洛關閩儒學至君未求晦翁振絕續南渡時蒙羞
嗟嗟魯齋公仕元以爲尤豈天靳斯文每出多遭遛
展卷仰前哲浩然忘我憂

古來賢達士隱居多授書時衰道義賤誰能枉車輿
千金贈當路一飯靡窮廬棄置勿復道耕漁聊自紓
百里不販樵千里不販糶賈贏致三倍君子豈能識
臣朔飢欲死姑試未爲失嘗讀貨殖傳啞然自思憶
行德非予事聊用適吾力

北山有高士幽居在空岑上有青雲垂下有朱草森
我欲從之遊雨雪方陰陰何時共攜手相對彈鳴琴
漁陽鼙鼓驚征塵動地起河北多郡縣一朝盡風靡
常山有太守慟哭整軍士誓心匡社稷志烈身竟死
長樂何如人紆紆佩金紫

同爲黨人同爲名士或生
或死忠佞頓殊可爲浩歎

詩集卷二

七

孤陽生東海朝光正瞳瞳時當沍寒節凜烈來長風
常恐雨雪至飛雲蔽晴空何時麗中天爲我開巖冬
生平寡交與與世殊淡漠天涯有數子相知在寥廓
或如孔程交或辨朱陸學或聞聲相思曾未接酬酢
遙遙南北海此心契如約風塵暗天來蹤迹各飄泊
出處或可期生死殊未卜會晤當何時六合庶開拓
臥龍隱南陽幽居志何適交友不數人頗能盡厥術
元直勤啓誨州平聞得失更有水鏡翁時來入人室
湯餅輒相呼主客了無擇

子家東南偏與虞九石隱
聖傳居相近地頗幽寂雖

兵革日聞而三兄時時相過
不減昔日南陽之樂故誌之

仲冬霜雪降寒月光逾涼獨夜起徘徊矯首中庭望
三垣何闇汶列宿縱橫行天狼射丸丸舒光異平常
旄頭當天明弧矢弛不張天道不可知歎息徒徬徨
龍潛不隱鱗鳳翔不藏羽網羅森高張去去將安所
東陵有故侯種瓜日响响西山雖云高毋爲過艱苦
宥原丁漢季遭亂靡所入公孫治遼海同往依其域
宥語惟經典世事了不及邴原尙清議格物性剛直
管宥謂邴原非時宜慎默神龍當深潛不見乃成德
聞古有至人澁悶爲其宅入水能不濡入火能不熱
飄然御元氣與世相乘閱學問非仲尼誰能試磨涅
斤斤藉白茅堅白永無缺

詩集卷二

八

聖人達天命君子慎感遇患難皆素位胡然重憂懼
執玉夜行遊得不虞傾仆兢兢慎冰淵豈曰徒自顧
天意苟未喪吾何爲不豫

十四學作詩十五學擊劍十九窮經綸屈節事鉛槧
三十聞道術始識孔顏面同志八九人齊一作齋心共

祛練講論垂數年著書頗成卷擬欲俟明王絕學續
如綫遭時當鞠凶禮義盡攻戰口口談詩書得無聖
賢賤放言聊自晦深情寄嵇阮

對酒思人衷

人衷姓錢名暉桓孫

客路風塵裏家園蔬酒前念君勞遠涉愧我但高眠
爲欲謀偕隱無辭賦獨賢何當整尊匕與子寄一作計

林泉

和石隱題畫作

日落煙橫欲暮天漁郎打鼓賣新鮮吾生卜隱無佳
境可向江頭借一年

答石隱贈端硯作

若箇磨刀割紫雲感君惠我意殷勤攜歸好向窗前
護日日題詩卻寄君

弔膠城黃蘊生

詩集卷二

九

與君未夙昔遙聞始相慕契合在道術不同世趨附
君言會當來事務每回互我亦欲驅車嵒生嬾成惰
盈盈一水閒耿耿不得晤風塵天地晦珠玉委埃霧
君死我不知我哭君不顧嗚呼一大儒溝壑畢其遇
君死自君分學者失恃怙臨風動長號淚盡西州路
亂後漢陽黃赤子過訪夜飲有感

一別誰知竟陸沈頭顱無恙鬢毛森相看面目何堪
似靜對惟存一片心

答王石隱見示庭梅八詠

君家一株梅十詠九徘徊予家兩三樹棄置當牆隈

豈無孤山情愧乏廣平才吾欲并贈君爲君壯尊疊
過石隱齋賦贈

相馬當以輿相士當以居入門動真氣豈非高隱廬
庭前靜松竹架上紛詩書二三偕隱人朝夕相與娛
游情侶萬物探道追皇初興至或吟詩翩翩陶謝俱
鹿門今咫尺誰能笑菰蘆

夢言夏述之以寄

昨夢扁舟過問津君乘小艇遇湖濱自言學得操舟
法湖上香秬賤莫倫

桂樹

詩集卷二

十一

桂樹生空阿失土日憔悴移植沃土旁所居逼闔閭
枝葉敷清華根株借生氣市井多輕薄囂凌競喧戲
桂花淡無言惕然自修厲曾滋沃土思不敢恨芳穢
努力聳貞幹塵土視一切

示虞九二絕句

興廢存亡代不同縱橫顛倒任天公小儒孤憤成何
事遯世須開萬古蒙

風雨陰霾但一時青天萬古只如斯好將日月歸胸
次六合雲開正有時

懷宋子猶

痛哭中原萬事非
掉頭東海一身微
水深浪闊蛟龍惡
何處山顛學採薇

無陋居十詠

有序

子自丑寅閒知天下已亂
江南不能無事卽與友人
輩歷選山水欲求避世而
不可得至癸未乃結茅於
城之西北水村將終身焉
乙酉夏居村僅一二月以
土人亂復入城遂病不能
去今又歷半歲其閒亂而
定定而復亂態凡幾變以
予所居甚僻故戎馬之迹
亦不及讀書之暇時與友
人相過論詩每每興思

詩集卷二

十一

山水神情飛越而困於力弱不能自舉因喟然曰孔子不云乎君子居之何陋之有因名所居爲無陋示不必去爰成十詠聊以解嘲誰謂此閒陋彬彬君子居出門天自狹入室地常舒禮樂存三代功名付太虛鄉鄰有鬪者暫且閉吾廬誰謂此閒陋彬彬君子居世人皆弋獵賤子獨耕漁短笠坐垂釣輕蓑行荷鋤屢空何足惜吾道貴清虛誰謂此閒陋彬彬君子居春秋猶漢臘人物自皇初短榻遙期客匡牀獨著書林閒時一望花外有來車誰謂此閒陋彬彬君子居分畦常種藥引水自澆蔬

歲月秦時促風光原上舒
牆東堪避世何必問長沮
誰謂此閒陋彬彬君子居
深潛無土室長嘯有茅廬
學字栽蕉葉休糧種芋蕖
藜牀雙膝穩不用駕安車
誰謂此閒陋彬彬君子居
未隨採藥侶且荷灌園鋤
無地不栽竹有廬惟貯書
興來時獨詠自謂過皇初
誰謂此閒陋彬彬君子居
斯人皆可與天地總吾廬
道在乘桴樂神全處困舒
但教忠信得寧復畏淪胥
誰謂此閒陋彬彬君子居
客來惟論道獨坐只看書
生意草閒出天心梅上舒
靜中間警語郊外一聲驢
誰謂此閒陋彬彬君子居
菊松三徑滿安樂一窩餘

詩集卷二

十一

種菜常師圃談詩有啓予黃虞今在否巢許且狂疏
誰謂此閒陋彬彬君子居種杉皆向路樹蕙更盈渠
放志逃詩酒全身學散樗家園風味足不用憶鱸魚

二月二十六日滇南文介石先生同石隱聖傳

虞九人表人衷寅士諸兄過小齋論易

丙戌

舉世悲胥溺中流幸有師發蒙分復姤安節處明夷
盛德古無敵太和今在茲春風周茂叔覲面莫相疑

三月十九日春盡步毛子晉韻

此日年來是何日忽聞春盡更神傷
吳山吳水聞無色江北江南竟改妝
恨乏斧柯條遠樹慚爲公子賦

春陽滿懷騷屑誰堪似牛背斜暉照眼光

題畫

日暮天冥冥歸舟一何晚帆影出江岸去家應不遠

送文介石先生入中峰

底事傷心萬念隳漫從蘭若寄棲遲乾坤有限無窮恨
身世須臾不盡悲千里音書孤枕夢六時功課一編詩
放舟日暮山風急松柏灘頭讀楚詞

春日田園雜興

有序

遭時不偶避世牆東春日傷心無聊獨歎偶

過異公齋示我春興六首已又出月泉吟社

詩集卷二

三

一冊曰此至元丙戌浦江吳潛翁所輯也時

元易宋已五載翁隱石湖集諸隱流吟詠寄

志一時屬和幾及三千嗟乎屈陶異世同情

矣雖時事尙未可知而丙戌奇合深用足歎

亦成六首聊誌鄙懷不敢曰首山之吟亦用

代曲江之哭耳

牆角春風吹棣棠菜花香裏豆花香看魚獨立小池
影數筍閒行竹篠長白眼望天非是醉科頭混俗若
爲狂莫嫌世人疎放彭澤情深勝沅湘

聞說山中好問津桃花如夢水如塵乍看幕燕成新

壘誰憶泥牛換早春時新歷先舊歷二日打鼓吹簫今歲社更

衣脫帽舊時人門前柳色依然綠陶令年來避葛巾

一夜東風春雨賒起看流水入溝斜籬頭未下絲瓜

種牆腳先開蠶豆花穉子鑿池浮乳鴨老翁攤箔曬

新蝦已知身世無餘樂聊爾徜徉未是差

春社纔過雨水中灌園初學問山翁新成芥蕘旋栽

芑旣落瓜壺不用蔥衣履已知非晉代蠶桑聊自說

幽風高原小麥青青秀不見歌聲起故宮

野水灘頭長荻芽池塘處處起鳴蛙一春多雨占三

白二月無茶摘五加寒食香來驚漢臘塞歌時起接

詩集卷二

古

邊笳春郊風景還如舊添得傷心是短髮

舍北村南雨又晴倦拋書卷漫遊行山鳩逐婦每雙

喚蒼鼠窺人時獨驚種秫擬成干日酒醃菘聊當一

春羹月泉甲子依稀是讀罷遺編淚暗傾

過頑潭訪確菴

何處能忘世頑潭六月深花多君子德村是古人心

溷迹依僧社懷情託素琴中流堪痛哭欲續楚騷吟

不道菰蘆裏居然好避秦風潭滿菱芡流水數鄉鄰

有酒能消夏無溪可問津翻嫌武陵洞猶到一漁人

題畫八首

行腳歸來暮前村煙起遲數聲鐘磬發知是晚齋時
黃鶯啼何頻垂柳下及首愧無雙黃柑下此一斗酒
山前萬竿竹屋下雙漁舟但畢此中樂悠然何所求
朝看山色青暮看山色紫山色朝更暮幽人只如此
月出當湖心湖氣夜逾白縹緲登樓人臨風岸巾噴
夕陽下遠渚返照萬山綠隱隱見歸帆參差互相逐
何事來沽酒危橋風雪中江心有釣者烹鯉待吾翁
日落天色黃風高水痕起無數歸雁聲蕭蕭荻葦裏
再過確菴作

爲惜經年別難辭累日還千戈四海急風雨一村閒

詩集卷二

五

人事驚危亂天心愛苦艱好將休暇日著述在名山
同盛子聖傳王子登善登虞山桃源澗值大雨
驟至澗水四出極觀覽之勝薄暮雨不止乃

衝雨而歸

爲愛看泉雨後來泉聲正沸雨聲催四山欲暝千峰
合萬水爭流一壑開濯足已探西寺澗避風暫借北
陵臺同遊不帶登山屐漫學林宗折角回
有客看泉乘興來一天風雨忽相催雲移樹底山俱
動水出峰頭石驟開野老聽松窺陡壁僧雛收菌歷
高臺武陵舊境今何處不見桃花空自回

浦青城薄遊武林以扇索句步韻贈答

正擬幽居好卜鄰忽聞征棹向芳津湖山猶剩舊遊
地花鳥更添新主人夢裏詩篇常獨得天涯書卷自
相親年來烽火君知否祇恐西泠尚未春

王煙翁卜隱西田首夏爲雜詩十首依韻奉和

柳葉參差竹葉稀碧梧桐下見雙扉久疑輞口規模
勝轉覺桃源徑路微小阜已添方丈閣

時築小阜有閣曰霞外

新溪又闢一重圍

又闢新溪築圍其外

塵氛滿眼應須滌且向

高岡一振衣

西莊五月麥田稀小檻朝晴獨啟扉

西田有水檻扁曰逢渠處渠一

詩集卷二

十六

作原野鶴鬪羣時夏夏游鱗寄子自微微一山當戶青
如點四水環軒綠作圍除卻讀書無一事釣磯閒坐
弄魚衣

亂後應憐景物稀深藏猶幸有山扉北風南極傾華
蓋東海西田隱少微負郭止營五畝宅危途已脫百
重圍遙知冠冕今難問親種荷花擬製衣

新榆疎柳夾門稀小閣臨流闢短扉東塢乍看農事
急西塘忽聽棹歌微秧過穀雨爭分種水漲春田競
築圍惟有兒童無別事夕陽多處曬牛衣

出郭已知塵事稀茅况復構巖扉山林舊擬王摩

詰松菊今歸韋表微藥曰茶鏘終日侍竹洲花塢自
相圍當途幸喜知交寡送酒無勞過白衣

吳塘灣裏過船稀盡日無人自掩扉午睡正酣風乍
穩小花纔種雨方微浣溪近漲波三尺彭澤行栽柳
十圍竹葉牀頭春釀熟少陵不用典春衣

莫道村中好客稀臨一作沿流隨處款柴扉溪翁偶語

魚經熟野老濃談要術微鄰叟有周華山精農
事時與煙翁談種植爲看

秧苗行未倦偶商晴雨坐成圍幾回杖策歸來晚不
覺涼生白裕衣

錦鏡亭前紅未稀魚隈村外綠遮扉錦鏡魚隈皆西
田亭圍之名

詩集卷二

七

事因入俗隨方易詩爲傷時用意微留客幸餘冰一
片避人何必竹千圍水田畦畔分明在摩詰新栽稱
體衣

地僻舟車相過稀興酣落筆坐當扉但教潑墨臨圖
障已自游神入翠微老懶溪頭秋色滿大癡雲樹曉
山圍置身邱壑真能事肯數曹家出水衣

水面風生菱葉稀野航疎傲不裝扉恐驚魚隊施篙
緩畏損菱絲撥棹微港曲路窮思作坐時擬作亭於水陰圩

旁蘆長欲成圍江湖滿地多愁思杜老應傷未拂衣

中秋夜諸同社泛舟蓮渚爲諸鼎甫舉五十觴

蔚州古人村村中有澄潭澄潭七十二處處種紅蓮
涼秋八月中花萼正芬妍同志四五六泛艇共盤桓
皓月映素波鮮葩拂輕舫中有龐眉人浩浩復軒軒
把酒發長嘯揮毫賦佳篇高懷一何奇云是古謫仙
我有萬古懷對君聊一宣蓮花爲君衣蓮葉爲君船
蓮實爲君糧乘風入青天遨遊徧八極俯視濁世巔
九州九萬里九點如雲煙誰安而誰危誰潔而誰羶
誰爲比干忠誰慕夷齊賢海中三神山至今何茫然
歸來語我儕豁此萬慮牽共釀千日酒歲歲蓮花邊

題慎獨上人卷時慎獨結蒲養母郡中諸公贈

詩集卷二

六

詩盈帙多以陳尊宿詠之

丁亥

問師何號號慎獨結蒲養母供餽粥一名一實盡吾
儒諸公錯認陳尊宿

陳子確菴讀拙著贈五言古二首有身隱焉用

文之句嗟乎子文也乎哉又諷予以魯壁及

承天寺井嗟乎世無桓譚雖藏無益也漫賦

四首以答

昊天生斯民智愚各有職或者勞其心或者勞其力
勞心豈必仕著述亦其一介苟存心萬物皆被澤
嘗聞伊川言歲月莫浪擲綴輯聖賢書庶幾稍有益

身進而立言其志在行道身退而立言其志在明道
進退旣已殊所志宜草草仲尼生衰周豈不慕高蹈
接輿沮溺流草木同腐槁所以贊修業矻矻在垂老
昔聞杜征西峴山勒碑銘一置山之巔一置水之濱
陵谷有變遷斯文冀常存嗚呼好名甚愚惑一何深
斯文苟不悖護惜自有神木石豈能永永者在人心
與其藏名山孰若傳其人其人不可得歎息徒悲辛
斯道在天地期與世同滅褻之固不可秘之亦不祥
兀兀窮年歲非欲炫其光誠恐衰亂迫此理或失亡
箕子演九疇意不在武王孟軻談王道不專爲齊梁

詩集卷二

九

鄙志存萬古目睫非所商

壽鑑明王先生五十

有序

先生今之鹿門翁也憶自丑寅閒俯仰天人

卽懷遯思與子及言夏陳子操舟躡屩選幽

山水往返數百里閒冀遇所謂桃花源者而

終不可得晚乃卜居水村荒僻簡陋老農不

堪而先生忻然若將終老自謂有知人鑑以

子及言夏樸鄙可教令子登善兄與子輩遊

處時登善已登賢書不令入都試日與子輩

相過講學不知者皆竊怪之而先生不言喟

然而已時際申酉竊怪者始駭歎先生益復
自晦不欲居明哲之名屏居田間自比野老
時復出入城市與世俗無敢苟異嗟乎世之
所號爲隱君子者大約有隱名無隱心惟恐
人不知耳先生則惟恐人知不爲皦皦之清
不爲汶汶之污古之所謂挫廉逃名者殆其
人歟今年五十蓋已閱滄桑矣撫今追昔彼
此不能已於懷因爲作鹿門之吟先生之子
善琴其爲我操我將歌之以進酒

昔聞大賢兮鹿門之陽夫耕婦饁兮負耒徜徉卻軒
車而采藥兮羌遯世而遺芳翁有思兮在深山履芒

詩集卷二

三

屨兮竭躋攀悵桃源之不得竟翩然而空還流覽兮

澤國棲遲兮水鄉被蒹葭以爲衣兮擇菱芡而爲糧

此中不知有漢兮無論晉魏之滄桑有客有客兮

無兮字白帽下同避世東牆囚首白帽兮詩書是將

分體本有兮字公有子兮登賢良薄世榮兮共翱翔時湯餅兮相過

儼獨拜兮下牀慨風塵之瀕洞兮冀天私此一方豈

神龍鳳凰之無德兮貴鱗羽之隱藏援琴歌詩以自

樂兮時偕野老而進觴雖無安期羨門之與遊兮亦

庶幾管寧陶潛之與頡頏優哉游哉兮惟以永康

雲閒許安弦先生讀拙草贈以序言愧不敢當

敬賦此爲謝

安公老名宿才格世無偶落筆肖五嶽開胸出二酉
所交不數人往往盡山斗薄游來吾婁始得一握手
坐我以春風飲我以醇酒忘我以形骸進我以小友
賤子夫何知黃鍾而瓦缶慚愧當一顧自念亦孔醜
不惜珠玉贈惠我情良厚鄙言雖無文藉茲以不朽

西湖雲

西湖雲何輪困如曳綵如城門紛紛郁郁當空橫青
天開鏡不動塵杭州城中春睡熟蘇公隄頭車馬簇

詩集卷二

三

僮夫狂語驚欲死掩耳疾走告妻子君不見芒屨出

太原城

分體本作私

歸有狀皆明徵十二年來踰一紀

金陵堂堂被黃紫

